

**Árþing Ungmenna- og íþróttasambands Fjallabyggðar haldið  
miðvikudaginn 13. maí 2015 í Vallarhúsinu, Ólafsfirði kl. 18:00.**

Dagskrá þingsins er eftirfarandi, sbr. 13. gr. laga UÍF:

1. Formaður UÍF setur þingið.
2. Kosning þingforseta og þingritara.
3. Kosning 3ja manna kjörbréfanefndar.
4. Álit kjörbréfanefndar.
5. Lögð fram árskýrsla stjórnar svo og skoðaðir reikningar seinasta árs.
6. Umræður um ársskýrslu stjórnar og reikninga. Reikningar lagðir fram til samþykktar.
7. Ávörp gesta.
8. Kosning þingnefnda: kjörnefnd (3), allsherjar- og laganefnd (5) og fjárhagsnefnd (3)
9. Stjórnin leggur fram fjárhagsáætlun fyrir næsta ár.
10. Tillögur og önnur mál sem borist hafa til stjórnar lagðar fram og vísað til nefnda.
11. Lagðar fram og teknar til umræðu tillögur um breytingar á lögum og reglugerðum.

**PINGHLÉ**

12. Álit nefnda, umræður og atkvæðagreiðsla.
13. Kosningar. Álit kjörnefndar
14. Kosning stjórnar, sbr. 16. grein. Skal formaður kosinn sér, en hina í einu lagi. Stjórnin skiptir með sér verkum, í þau störf er um getur í 16. grein.
15. Kosning skoðunarmanna, (tveir aðalmenn og tveir varamenn).
16. Önnur mál.
17. Þingslit.

Þingögn samanstóðu af skýrslu og ársreikningi UÍF auk ársskýrslna og ársreikninga aðildarfélaga UÍF.

## Fundargerð

**1. Formaður UÍF, Guðný Helgadóttir setti þingið;** og bauð alla velkomna og kynnti gesti fundarins. Kveðju sendi Viðar hjá ÍSÍ. Guðný fór yfir verkefni stjórnar UÍF á árinu svo og starfsemi aðildarfélaganna. Hún fór einnig yfir tölfræðilegar upplýsingar um aðildarfélög UÍF s.s. fjölda félagsmanna, iðkenda og stjórnarmanna. Guðný sagði að nú þyrfti að endurskoða reglur þær sem settar hafi verið við sameiningu með hliðsjón af reynslu síðustu ára. Aðildarfélög séu betur meðvituð um hlutverk sitt og hafi þrjú þeirra gerst fyrirmyndarfélög ÍSÍ. Guðný hvatti félögin til að bregðast betur við þeim skyldum sem á þeim hvíla t.a.m. almennt varðandi setta fresti og þá sérstaklega þegar komi að skýrsluskilum og virða þau tímamörk sem sett eru.

Loks gladdist Guðný yfir góðri þingsókn og vonaðist eftir uppbyggilegum skoðanaskiptum. Setti hún 6. þing UÍF. Veitingar voru í umsjón hestamannafélagsins Gnýfara.

### **2. Kosning þingforseta og þingritara.**

Stungið var upp á Þórarni Hannessyni sem þingforseta og Brynju Ingunni Hafsteinsdóttur sem þingrita. Það var samþykkt einróma.

Þingforseti tók þá til máls, þakkaði traustið og bauð gesti velkomna.

### **3. Kosning 3ja manna kjörbréfanefndar.**

Stungið var upp á Maríu Jóhannsdóttur TBS og að með henni í nefndinni yrðu Dagný Finnsdóttir KF og Rósa Jónsdóttir frá GÓ.

Það var samþykkt einróma.

### **4. Álit kjörbréfanefndar.**

Á meðan kjörbréfanefnd fór yfir kjörbréfin kynnti þingið sér gögn þingsins.

Þá kynnti María formaður kjörbréfanefndar álit sitt.

Af 37 skráðum fulltrúum samkvæmt kjörbréfum voru 23 mættir. Kjörbréfanefndin sá ekkert athugasvert við kjörbréfin og taldi þau gild.

### **5. Lögð fram ársskýrsla stjórnar og skoðaðir reikningar síðasta árs.**

Guðný formaður UÍF fór yfir skýrslu stjórnar. Hún sagði frá skipun stjórnar og fór í stuttu máli yfir störf stjórnar, hvaða verkefni væru framundan og hverju væri lokið. Hún sagði frá því að varamenn hefðu verið boðaðir á alla stjórnarfundi en ekki séð sér fært að mæta á neinn fund. Hún fór yfir þau stóru mál sem stjórnin hefur unnið að og lokið. Stjórnarfundir voru 19 auk vinnufunda og tveggja formannafunda.

Tveir formannafundir voru haldnir og var dagskrá hefðbundin. Hún sagði frá Vetrarleikum, fyrirmyndarfélögum innan UÍF svo og aðstöðunni og framkvæmdum að Hóli eftir brunann. Hún sagði frá heimsókn ÍSÍ en fulltrúar hreyfingarinnar kynntu sér Íþróttaaðstöðu í Fjallabyggð og fulltrúar aðildarfélaganna kynntu starfsemi félaganna.

Hún sagði frá forvarnardegnum sem er árlegur og að Tóti hefði farið í Grunnskólana og framhaldskólann og kynnt efni dagsins. Einnig sagði Guðný frá Verkefnasjóðunum og að UÍF hafi greitt úr sjóðnum til allra aðildarfélaga í tilefni af fimm ára afmæli UÍF.

Íþróttamaður Fjallabyggðar var einnig valinn og var athöfnin hin glæsilegasta enda nokkrar breytingar gerðar á viðburðinum. Sævar Birgisson var síðan valin. Guðný sagði einnig frá því að stjórn UÍF hafi verið að vinna að breytingum á reglum um val á Íþróttamanni Fjallabyggjar. Því miður hafi ekkert komið frá aðildarfélögnum varðandi tillögur að breytingunum.

Sagði Guðný frá heimasíðu UÍF og að Kristinn Reimarsson hafi tekið það að sér.

Vetrarleikar voru haldnir í fjórða sinn og tókust þeir vel enda þótt veðrið hafi sett strik í reikninginn. UÍF styrkti félögin sem tóku þátt um 20.000 kr. og var sá styrkur hugsaður til kaupa á veitingum. Tóti hafði umsjón með leikunum og fékk gott fólk í lið með sér.

Stærsta verkefni stjórnar var enduruppbygging á Hóli. Sótt hafi verið um styrki til sveitarfélagsins og annarra en þeim hafi því miður öllum verið hafnað.

Hreyfivikan tókst vel í Fjallabyggð og hefur verið ákveðið að taka aftur þátt í september og hvatti hún aðildarfélög til að huga að dagskrá.

Unglingalandsmót UMFÍ var haldið á Króknum og var þátttaka frá aðildarfélögum UÍF góð en UÍF greiðir þáttökugjald þeirra.

Guðný sagði frá yfirferð stjórnar UÍF á lögum aðildarfélaganna og rakti hún framgang yfirferðarinnar. Sumum lögum hafði ekki verið breytt í langan tíma og hvatti hún félögin til að uppfæra lög. Sem liður í því verði haldinn lagadagur UÍF og hvatti hún félögin til að taka þátt í honum.

Hún sagði að rekstur UÍF hefði gengið vel þrátt fyrir áföllin með Hól.

Að lokum þakkaði Guðný aðildarfélögnum fyrir gott samstarf svo og öllum félagsmönnum auk styrktaraðilum.

Sigurður Gunnarsson gjaldkeri UÍF gerði grein fyrir ársreikningi UÍF

Rekstrartekjur UÍF voru: 31.272.153 kr.

Rekstrargjöld voru: kr. 37.227.301 kr.

Fjármagnsgjöld voru: kr. 319.947 kr.

Tap ársins var: kr. 6.275.095

Varanlegir rekstrarfjármunir voru: kr. 34.559.490 kr.

Veltufjármunir voru: 44.187.774 kr.

Eigið fé var: 38.200.768 kr.

Skammtímaskuldir voru: 1.757.006 kr.

Eigið fé var: 44.187.774 kr.

## **6. Umræður um ársskýrslu og reikninga fóru fram og voru svo lagðir fram til samþykktar.**

Forseti gaf orðið laust um reikninga og skýrslu UÍF. Þorvaldur spurði hvort að Hóll hafi verið endurmetinn og taldi rétt að það yrði gert. Hann taldi rétt að þau félög sem ættu fasteignir myndi meta þær með sama hætti í reikningum. Ársreikningur UÍF lagðir fram til samþykktar. Var hann samþykktur með öllum greiddum atkvæðum.

## **7. Ávörp gesta.**

Baldur Daníelsson fulltrúi UMFÍ tók til máls. Hann hrósaði UÍF og aðildarfélögum fyrir góðar skýrslur og almennt góðan rekstur. Hann flutti kveðjur frá formanni og starfsfólki UMFÍ. Einnig minnti hann á skrifstofu hreyfingarinnar og hvatti til þess að haft yrði samband ef eitthvað væri. Hann fór yfir starfsemi UMFÍ og sagði frá henni, m.a. unglingslandsmóti, 50+ landsmóti sem verður á Blönduósi. Hann fjallaði líka um almennt markmið 50+ sem sé lýðheilsa. Starfsemi ungmennaráðs er honum hagleikin svo og ráðstefna því tengt sem kallast ungt fólk og lýðræði, sagði hann nánar frá henni. Hann sagði einnig frá tómstundabúðum á Laugum í Dalasýslu og starfinu þar. Evrópa unga fólksins er einnig innan UMFÍ og þar eru styrkjamöguleikar sem vert sé að skoða. Hornafjörður fékk veglegan styrk í verkefni sem unga fólkíð skipulagði. Hann minntist einnig á fræðslusjóðinn. Loks sagði hann frá því sem væri framundan hjá UMFÍ og að nýr framkvæmdastjóri hafi verið ráðinn, Auður Inga Þorsteinsdóttir.

Þórey Edda Elísdóttir fulltrúi ÍSÍ flutti kveðjur frá forseta og framkvæmdastjórn ÍSÍ og þakkaði fyrir góðar móttökur. Hún er ný í varastjórn ÍSÍ og sagði frá störfum sínum og

Þátttöku í íþróttum. Einnig sagði hún frá heimsókn sinni í Fjallabyggð í vetur og hrósaði íþróttaaðstöðu sveitarfélagsins. Hún taldið íþróttaviðburði vera fjölbreytta og það sé jákvætt, nefndi hún Hreyfiviku og Vetrarleika. Fjallaði hún einnig um góða ársreikninga og vel framsetta. Taldi hún jákvætt hversu vel félögin séu rekin. Sagði hún frá vefnum „Allir sem einn“ en það sé vefur fyrir sjálfbóðaliða og til þess að halda utan um vinnu þeirra. Markmiðið er að ná yfirsýn yfir starf sjálfbóðaliða innan íþróttahreyfingarinnar. Benti hún á verkefnið Hjólað í vinnuna og Lífshlaupið sem haldin eru af ÍSÍ og sé markmið þeirra að hvetja börn og fullorðna til að hreyfa sig. Smáþjóðaleikanir hefjast eftir tvær vikur og sagði hún frá þeim.

## **8. Kosning þingnefnda.**

Forseti óskaði eftir tillögum um þrjá aðila í kjörnefnd. Lagt er til að Þorvaldur Hreinsson Gnýfara, Ásgeir Logi Ásgeirsson Gnýfara og Björg Traustadóttir GÓ taki sér nefndarstörf og var það samþykkt samhljóða.

## **9. Stjórnin leggur fram fjárhagsáætlun fyrir næsta ár.**

Sigurður Gunnarsson gjaldkeri kynnti fjárhagsáætlunina og fór yfir hana lið fyrir lið. Tekjur samkvæmt áætluninni verða alls 20.770.000 kr. og gjöld verða samtals 20.450.000 kr. Tekjuafgangur yrði kr. 50.000.

## **10. Tillögur og önnur máls sem borist hafa til stjórnar.**

Engar tillögur bárust til stjórnar.

## **11. Lagðar fram og teknar til umræðu tillögur um breytingar á lögum og reglugerðum.**

**Þinghlé.** Í þinghlé voru veitingar í umsjón Gnýfara ..

Baldur heiðraði Guðnýju Helgadóttir formann UÍF og Andrés Stefánsson þjálfara SSS fyrir vel unnin störf í þágu íþróttahreyfingarinnar og Skíðafélags Siglufjarðar og hlutu þau starfsmerki UMFÍ.

## **12. Álit nefnda, umræður og atkvæðagreiðsla.**

Engin nefnd var að störfum nema kjörnefnd.

## **13. Kosningar, álit kjörnefndar**

Kosning formanns; Tilnefningar komu fram um Guðný Helgadóttir og komu engin móttframboð. Var hún kosin einróma og telst rétt kjörinn formaður.

Kosið var um tvo aðalmenn og tvo til vara til stjórnarsetu. Merkt var við fjóra einstaklinga á kjörseðli. Þá voru greidd atkvæði og kjörnefnd tók til starfa.

#### **14. Kosning stjórnar, sbr 16. grein laga UÍF**

Atkvæði í stjórn UÍF voru eftirfarandi:

Óskar Þórðarson með 18 atkvæði

Þórarinn Hannesson með 18 atkvæði

Helga Hermannsdóttir 13 atkvæði

Ásgrímur Pálmason með 11 atkvæði

Telma Birkisdóttir með 11 atkvæði

Halldór Hafsteinsson með 7 atkvæði

Rúnar Marteinson með 4 atkvæði

Ragnheiður Ragnarsdóttir með 4 atkvæði

Sölvi Sölvason með 2 atkvæði

Hlutkesti var varpað um sæti varamanns milli Ásgríms og Telmu og kom sætið í hlut Ásgeirs.

#### **15. Kosning skoðunarmanna.**

Lögð er fram tillaga um Ármann Sigurðsson og Þorgeir Bjarnason. Það er samþykkt samhljóða. Varamenn voru ekki tilnefndir.

#### **16. Önnur mál**

Óskar fór yfir tillögur stjórnar um breytingu á reglum um val á íþróttamanni Fjallabyggðar. Um var að ræða þrjár tillögur. Fyrsta tillagan var varðandi kröfuna um lögheimili og lagt til að ákvæðinu yrði breytt á þá leið að krafan um lögheimili yrði tekin út og inn kæmi að viðkomandi hafi sannarlega æft með aðildarfélagi UÍF. Önnur tillagan varðaði breytingu á 6. gr. á þá leið að íþróttamaður ársins sé valin úr hópi þeirra sem tilnefndir eru. Þá eigi fleiri möguleika án þess að vera íþróttamaður tiltekinnar greinar. Loks lagt til að ný grein bætist við um heiðranir eins íþróttamanns sem hafi verið uppalinn í Fjallabyggð en er ekki búsettur þar lengur.

Árþingi UÍF var slitið kl. 20:19.

Þingfulltrúar:

Golfklúbbur Siglufjarðar:

Hestamannafélagið Glæsir:

Tennis- og badmintonfélag Siglufjarðar: María Jóhannsdóttir og Sigurður Steingrímsson

Skíðafélag Ólafsfjarðar: Birna Björnsdóttir, Daníel Víkingsson og Sigurpáll Gunnarsson

Ungmennafélagið Glói: Lísebet Hauksdóttir, Telma Björk Birkisdóttir og Þórarinn Hannesson

Íþróttafélagið Snerpa: Helga Hermannsdóttir og Jón Hrólfur Baldvinsson

Skíðafélag Siglufjarðar Skíðaborg: Andrés Stefánsson

Golfklúbbur Ólafsfjarðar: Rósa Jónsdóttir, Björg Traustadóttir og Sigurður Gunnarsson

KF: Dagný Finnsdóttir, Júlía G. Poulsen, Heiðar Gunnólfsson, Þorvaldur Sveinn Guðbjörnsson og Óskar Þórðarson

Hestamannafélagið Gnýfari: Þorvaldur Hreinsson og Ásgeir Logi Ásgeirsson

Vélsleðaklúbbur Ólafsfjarðar:

Skotfélag Ólafsfjarðar: Rögnvaldur K. Jónsson og Halldór Hafsteinsson

Stjórn UÍF; Guðný Helgadóttir, Sigurður Gunnarsson, Óskar Þórðarson, Sigurpáll Gunnarsson og Þórarinn Hannesson.

ÍSÍ: Þórey Edda Elísdóttir

UMFÍ: Baldur Danielsson